

8.002

雙鈕海諸子新說

欽定四庫全書

雙劍詒諸子新證序

自春秋以降百氏爭鳴道術分裂然其立說名家眇思
闕慮上極乎壙垠玄冥之域而下眈乎人生日用之常
雖準之以中道純駁互見精粗或殊然進而觀其會通
固百慮一致同條共貫者也諸子流別各有師傳自師
傳之道中絕而其書之幸而存於今者又益之以篆籀
分隸之演變竹帛梨棗之侈易注解訓釋之紛歧浸假
而篇章不可尋繹詞句不可屬讀其高文奧義晦而不
彰由來尚矣清代學者輯佚覈異考文通音訂其違悞
疏其疑滯微言墜緒於以宣昭省吾末學淺識竊嘗有
志於斯誦覽之餘時得新解本之於甲骨彝器陶石鉢

化之文以窮其原通之於聲韻假借校勘異同之方以
究其變惟思慮未周聞見尤狹環堵私言烏有當乎中
華民國二十九年十月海城于省吾

凡例

一是書以古文字古器物爲佐證者約十之二三依校勘異同聲韻通假爲佐證者約十之七八其發明新義證成舊說或爲昔賢及並世作者所未道及故名新證

一墨子新證爲前數年所付印者續有所見未及追改姑合裝於此書之內

一荀子新證老子新證係依舊印重行改正者其他各證亦以付印先後之不同間有於此書立說而云詳彼書者在彼書或已刪節致彼此未能互照

一世變方殷未能從容致力斯學又恐其稿之散佚遂

倉猝付印若夫詳加勘研重爲釐定有俟將來尚希
讀者有以教之

雙劍謄管子新證序

管子號稱難讀以其篇章每有俄空字句亦多踏悟尹

知章之注此書尚不及楊倞之注荀子戴氏校正甄錄

衆說頗便讀者然如丁泳之之臆解觀縷有失翦裁安

井氏纂詁用力綦勤間有可采至書中古文猶有存者

如獨之作蜀涖之作立盤之作汎作泝以之作台台原

後人所改疆之作彊之之作止體之作豐終之作冬獲

之作隻隻原作雙諸之作者余之作舍性之作生俾之

作卑覲之作堇適之作商商原作商宜之作且均與

卜辭金文相符自揆桐昧疏學就其所知者錄之得與

失與以俟來哲中華民國二十八年八月海城于省吾

雙劍詔諸子新證總目

雙劍詔管子新證四卷

雙劍詔晏子春秋新證二卷

雙劍詔墨子新證四卷

雙劍詔荀子新證四卷

雙劍詔老子新證一卷

雙劍詔莊子新證二卷

雙劍詔韓非子新證四卷

雙劍詔呂氏春秋新證二卷

雙劍詔淮南子新證四卷

雙劍詔法言新證一卷

雙劍諺管子新證卷一

海城于省吾

故刑罰不足以畏其意民牧

孫星衍云。羣書治要引畏作恐。下句云。故刑罰繁而意不恐。此作畏字誤。按作畏者是也。畏威字通。載籍習見。不煩舉證。此言刑罰不足以威其意也。孫據治要改畏爲恐。殊難置信。下言意不恐可也。此作恐其意則不詞矣。治要改作恐以爲與下文意不恐相符。不知段畏爲威。就君言則曰不足以威其意。就民言則曰意不恐。且尹注作畏意。則正文畏字不誤明矣。不處不可久者不偷取一世也民牧

尹注謂所處可必使百代常行按宋本注文可必作必可於文爲適。

則祈羊至矣

形勢

尹注烹羊以祭故曰祈羊張文虎云祈羊費解羊疑祥字之譌國準篇云立祈祥以固山澤是其證按羊祥雖字通然下云則沈玉極矣沈墜之玉與祈禱之羊對文則羊仍應讀爲牛羊之羊後解云故曰山高而不崩則祈羊至矣羊用以祈禱故習稱爲祈羊輕重甲此之謂設之以祈祥祥亦應讀爲羊上言鬼神言祭言澤則祈羊義亦相承羊而稱祈羊亦猶磬之稱拊磬

詳拙著泗濱浮磬考

玉之稱佩玉壺之稱弄壺鋸之稱

攷鋸均因其物用之宜習而久之遂爲通稱之名也

抱蜀不言形勢

尹注抱持也蜀祠器也君人者但抱祠器以身率道雖復靜然不言廟堂之政旣以修理矣按注說非是王念孫從朱東光說攷蜀爲器遂謂後解作蜀亦誤殊不可從宋翔鳳從徐顛說讀祠爲治又謂抱蜀即老子之抱一其說至當漢孔宙碑祠兵亦即治兵金文治字通作銅銅祠並諧司聲又金文銅與辭通說文辭籀文作銅周禮大祝一曰祠鄭司農云祠當爲辭漢堯廟碑將辭帝堯祠作辭是其例證爾雅釋山獨者蜀郭注蜀亦孤獨石鼓文射其狝蜀蜀即豚獨

字惟宋謂老子抱一爲天下式。式亦器義。疏矣。治器
既不詞。治式亦不詞也。是未得器字之解耳。器乃氣
之借字。禮記樂記。然後樂氣從之。校勘記。閩監毛本
氣作器。惠棟校宋本器作氣。史記亦作氣。大戴禮文
王官人。其氣寬以柔。逸周書官人解。氣作器。莊子人
間世。息氣蕩然。釋文。向本作諛。器。孟子公孫丑。氣體
之充也。禮記祭義。氣也者。神之盛也。淮南子原道。氣
者。生之充也。惟充且盛。則易隨物而靡。抱獨不言。所
以斂其氣。後解云。所謂抱獨者。祠器也。即所謂抱獨
者。治氣也。老子十章。營魄抱一。能無離乎。專氣致柔。
能嬰兒乎。管子道家者流。其抱獨治氣。與老子抱一。

專氣之指。膈合無間。此道家君人南面之要術也。自祠廟器氣之通假不明。而古義之湮。由來尚矣。

唯夜行者獨有也。

形勢

尹注。夜行謂陰行其德。則人不與之爭。故獨有之也。按注以夜行爲陰行非是。夜行即舍行。詳淮南子新證覽冥篇。

訾讐之人勿與任大。

形勢

尹注。如此之人。則亂大邦也。按宋本注文則上有任之二字。正釋本文任字。當據補。

怠倦者不及無廣者疑神。

形勢

尹注。無得以己及不及。疑神不神。按本文但言不及。

未言及也。疑神不神句。詞義不屬。宋本注文作無得。以己不及。疑神不祐。於義爲長。當據訂。

奚待於人

權修

尹注。待謂將治之。言身旣不能自治。則無以治人也。按注讀待如字。非是。待乃特之音譌。二字並諧寺聲。莊子逍遙遊。乃今以久特聞。釋文特崔本作待。漢書趙尹韓張兩王傳。延壽遂待用之。王念孫謂待讀爲特。均其證也。有身不治。奚特於人。言更不暇治人也。讀待如字。則義不可通。下云。奚待於家。奚待於鄉。奚待於國。奚待於天下。待並應讀爲特。

孤寡無隱治

政立

按金文治字均作𪛗。與辭同用。兮甲盤。王命甲政辭。成周四方責政辭。即征𪛗。洹子孟姜壺。𪛗誓于大𪛗。命𪛗誓。即辭誓。易繫辭釋文。辭本亦作𪛗。說文。辭籀文作𪛗。是其證。此言孤寡無恃者。猶得盡其辭。故云孤寡無隱辭。書呂刑。鰥寡有辭于苗。辭字與此文用法同。俞樾謂治亦訟也。其說未允。

草木不植成

政立

戴望謂宋本植作殖。按作殖者是也。成盛古字通。易繫辭。成象之謂乾。釋文。蜀才作盛象。荀子。王霸以觀其盛者也。注。盛讀爲成。此例載籍習見。殖盛謂蕃殖茂盛也。

築障塞匿立政

尹注匿隱按注說非是。匿應讀爲慝。詳尚書新證盤庚篇修不匿厥指下。周禮土訓道地慝注。地慝若障。蠱然也。鄭司農云。地慝地所生惡物害人者。若虺蝮之屬。按即此文築障塞慝之謂也。孫星衍謂匿字衍。蓋不得其解耳。

立事者謹守令以行賞罰立政

按立事金文習見。經傳假蒞蒞爲之。

由田之事也立政

王念孫云。由即田字之誤。今作由田者。一本作田。一本作由。而後人誤合之也。田謂農官也。張文虎云。由

疑司之誤。司田亦見小匡篇。劉師培云：由當作申。即司田也。司田稱申田。與司徒亦稱申徒同例。按王張二說並誤。劉說是也。書君奭：割申勸寧王之德。申乃由字之譌。詳尚書新證。幼官由守不慎。俞樾謂由疑申字之誤。漢書儒林傳：申章。昌。晉灼：申章作由。章申司一聲之轉。莊子大宗師：申徒狄。釋文：崔本作司徒。狄史記留侯世家：以良爲韓申徒。集解引徐廣：申徒即司徒耳。均其證也。

汎山其木可以爲棺。可以爲車。

馬乘

張文虎云：汎山不可解。按汎同漚。古盤字。小問意者。君乘駿馬而漚桓。迎日而馳乎。注：漚古盤字。注說是。